

նամի ի Դ կողմս մեր. եւ եւս զի ոչ է պարտ այս գործ ի հաւատս մեր և յօրէնս՝ թէ իրերաց սուր դնիցեմք եւ կամ վատ կամիմք. եթէ ոչ որ մի կողմն թշնամի իցէ եւ դու չես թշնամի մեզ, զի մեծ թեւ թագաւորին կաս եւ պարծանք Թուրքաստան ազանց. ահա՛յ այս երգմունս եւ այս ուխտ: եւ դնեն ի մէջ վկայ զգիրք Մահմետին որ ասեն Ղուրան, թէ Ընդ ձեզ ելանեմք և երթամք առաջի թագաւորի և զբարի անուն եւ զբարեկամութեան քո գործ առ նա քարոզեմք, եւ դաւաճանութիւն քո որ առ վէզիր է՝ արացես, եւ ընդ քո խկ վկայեմք մեք, արացեն դատաստան, եւ այնուհետեւ ողջ կացցէ արքայ եւ դու, խաղաղութեամբ տեսցեն զաւուրս իւրեանց ազգս մեր ի կենդանութիւն թագաւորին եւ քո: Եւ ահայ Մուրթագա եղբայր քո գիտէ զվնաս անձին իւրում որ առ քեզ ամօթալից, եւ վեհանձնութիւն քո գիտակ է որ առ քաղաքս կայ. եւ այժմ մեղա՛յ ասելով անկանի առաջի քո խնդրելով զներումն լրբութեան իւրոյ, որ առ վէմդ հարաւ եւ փշրեցոյց զզօրսն այնքան. եւ մեք երաշխաւոր գոլով եւ նմին՝ եւ եկաք առ մեծութիւն քո: Եւ Հասանին պատասխանեալ ամենեցուն մի մի, եւ յետինն հաւանի ի միտս իւր, քանզի խորհէր՝ իթէ ժողովեցի զօրս եւ ոչ կասեցին, ելեալ քնացի ի դրունս զահոյիցն եւ ոչ երկեան, եւ ելեալ եկաց աստ և ոչ հոգացին՝ և ահա՛ կամ. մինչեցե՞րբ և սրով զի՞ առնիցեմ. նոքա ոչ զան ի վերայ իմ եւ թէ ես երթայց՝ ապստամբ երեւիմ, զի ոչ արար այսու զխօսս մեր թագաւորն բառնալով զվէզիրն. և վէզիրն ոչ երկեաւ և կամ ոչ ծանոյց զբան մեր առ թագաւորն՝ զզօրութեան կամ զպատրաստութեան զօրաց մերոց, և թէ ես քաջ եմ թէ ժառանգորդ¹⁾ լի-

1) Ժուզդ.